

कठूए थमां महाकालेश्वर दी नगरी तक

□ डॉ० सत्यपाल श्रीवत्स शास्त्री

संस्कृत साहित्य दा अध्ययन करदे होए भास दे नाटकें दे माध्यम कन्नै भाएं महा-कालेश्वर दी नगरी उज्जैनी दे बारे च खासी जानकारी होई गै गई ही, पर कालिदास दे मेघदूत गी पढ़ने दे बाद जियां शिप्रा-नदी दे तट उपपर बस्सी दी महाकालेश्वर दी नगरी गी दिक्खने आस्तै भेरे संवेदनशील हिरदे च इक खास किस्म दी उत्सुकता भरोची सिहरन पैदा होई गई ही उसदा वर्णन करना कठन ऐ। उसदे बाद जदू-कदू बी उज्जैनी दा जिकर औंदा उसी दिक्खने आस्तै मन तरसन लगी पाँदा हा। में कदें-कदें सोचदा हा जे सच-मुच हून बी उज्जैनी दे आससै-पाससै दे ग्राएं दे बुड्डे-बुजुर्ग अपने दोहू-तरुएं-पोतरुएं गी उदयन ते वास-वदत्ता दे जीवन कन्नै सरबंध रखने आलियां कहानियां सनाई-सनाइयै उंदा मन पतियां दे न। सच्च गै उज्जैनी नगरी कालिदास दे व्यान दे मूजब इन्नी शैल ऐ जे ओहू सुगें दा सोहू ना टुकड़ा बझोंदी ऐ जिस्सी सुगें गेदे पुण्यात्मा लोक अपने पुन्न-फल घटी जाने पर धरती पर औंदि मीके लेई आए हे—

“प्राप्यावन्तमुदयन कथा कोविद ग्राम वृद्धान्—
पूर्वोद्दिष्टामनुसर पुरीं श्री विशालां विशालाम्।
स्वल्पीभूते सुचरित फले स्वर्गिणां गां गतानाम्—
शेषैः पुण्यैर्हृतमिव दिवः कांतिमत्खण्डमेकम् ॥”

(यक्ष आखदा—हे, मित्तर बदल, जिस अवन्ती देसै च ग्राएं दे बुड्डे लोक उदयन ते वासवदत्ता दे प्रेम सरबंधें दियां कथा कहानियां आखने च चतुर न उत्थें पुज्जियै में पैहू लें जिस ऐश्वर्यशाली पुरी उज्जैनी दा जिकर कित्ता हा, उत्थें जरूर जायां। ओहू पुरी मानो सुगें गेदे पुण्यात्मा लोकें द्वारा अपना पुन्न खीन होने पर आंदे दा सुगें दा टुकड़ा ऐ।)।

में कदें-कदें सोचदा हा जे हून बी शिप्रा नदी दी ठंडी-ठंडी बास बहुल दे पैहू र सारसैं दी जेहू चाहूट बधाने आली ऐ ते कमले दी भीनी-भीनी सुगंध कन्नै भरी दी होंदी ऐ जेहू डी रातीं दे पैहू अपने प्रेमिणें कन्नै काम-भोग करियै थक्की गेदे प्रेमिणें दे अंगें दी थकावट दूर करदी होई खुशामदी ते चापलूस प्रेमिणें आला लेखा उंदा मन पतियां दी ऐ।

(दिक्खो पूर्व मेघदूत श्लो० 31)

इस पार्टी का शुरू च भाएं मकसद इंटरलैक्चुरल क्लास गी इक सांझे मंच उप्पर किट्ठा करिये भारती समाज दिये रोजमर्रा दिये समस्एं दे हल करने दे पुआऽ हूँदने तक गै सीमत हा । पर बाद च बल्ले-बल्ले इस पार्टी दे सदस्ये दे दिलो-दमाग च मुलखे दी सुतंतरता आस्तै तांह्ग उब्भरन लगी पेई ही जेह्डी लोक मान्य तिलक हुंदे द्वारा इस पार्टी का नेतृत्व संभालने कन्ने होर मती प्रबल होई गई ही ते उनें भारतवासिये गी “सुतंतरता स्हाड़ा जन्मसिद्ध अधिकार ऐ” नाह्रा दित्ता हा । ते पही जिसलै म्हात्मा गांधी होर बी यूरोप च रेहिये भारतिये कन्ने कित्ते जा करदे बुरे व्यवहार गी दिक्खिये कौड़े अनुभव लेइये भारत च आएत्तां उनें बी बकालत दे पेशे गी लत्त मारिये कांग्रेस पार्टी च शामिल होइये सुतंतरता प्राप्ति आस्तै संघर्ष करना गै ठीक समझेआ । ओ आँदे गै उस पार्टी उप्पर छाई गे हे ते उनें इसी नेहा राष्ट्रव्यापी रूप दित्ता जे इंदे कोला प्रेरणा लेइये मोतीलाल नेहरू, पं० जवाहर लाल नेहरू, सरदार पटेल, मौलाना अब्दुलकलाम आजाद, आचार्य कृपलानी, सुभाष चन्द्र बोस, पं० मदन मोहन मालवीय वगैरा नेता बी कांग्रेस बिच शामिल होई गे हे । पही केह् हा सुतंतरता प्राप्ति आस्तै देशव्यापी लँह्र घर-घर फैलन लगी ही । सन् 1919, 1920, 1930 ते 1932 ई० च चार जबदस्त देशव्यापी आंदोलन कन्ने इक जनचेतना ते देशभक्ति दी भावना ने औस्तन भारतवासिये दे दिलो-दमाग उप्पर अपनी छाप बठाली दित्ती ही । इसै देशव्यापी जनशक्ति गी भांपिये 26 जनवरी 1929 ई० गी लाहौर दे कोल रावी नदी दे कनारे आयोजत आखिल भारती कांग्रेस दे अधिवेशन बिच पं० जवाहर लाल नेहरू दी अध्यक्षता बिच ‘पूर्णसुराज’ हासल करने आस्तै इक दृढ़ संकल्प कित्ता गेआ हा । उसदे बाद सन् 1939 च भाएं अंग्रेजी सरकार ने भारतिये गी अंतरिम सरकार बनाने दी इजाजत देई दित्ती ही पर तीलें दे मँह्ल आला लेखा झट्ट बनी ही ते झट्ट गै त्रुट्टी बी गई ही । सन् 1939 ई० गी कांग्रेस ने अपनी खास बैठक करिये अंग्रेज सरकार कोला दो सवाल पुच्छे हे : (1) दूए विश्व युद्ध दे बाद भारत दी विश्व दे राष्ट्र दे बशकार कनेही स्थिति होग ? (2) क्या दूए विश्व युद्ध दे बाद भारत दी सुतंतरता जकीनी होग ? अंग्रेजी सरकार ने इनें सवालें गी बेहूदा आखिये अनसुनी करी दित्ती ही । उसलै अंग्रेज सरकार दूए विश्व युद्ध च उलझी दी ही । म्हात्मा गांधी होरें सिविल ना-फरमानी आंदोलन चलाया ते 30000 लोक जेलें च भेजी दित्ते हे ।

आंदोलन का रंभ :—पही आई गेआ हा सन् 1942 ई० का जून महीना, जिसलै भारत छोड़ो आंदोलन गी चलाने दी योजना साकार कित्ती गई ही । जिसदी कल्पना करने का सेह्रा सरदार पटेल हुंदे सिर हा । उंदी इस योजना का आचार्य कृपलानी ते उंदी पत्नी सुचेता कृपलानी वगैरा ने पूरा समर्थन कित्ता हा । उसलै ए नेता लोक नैनीताल दे विरला हाँस च ठँहरे दे हे । उसदे किश दिनें परैत सरदार पटेल होरें इस आंदोलन गी चलाने आस्तै म्हात्मा गांधी हुंदा शीरबाद लेइये सुचेता कृपलानी गी नैनीताल टेलीफोन करिये आखेआ हा—‘सुचेता तुस दोए बंबई आई जाओ ते किश चिर स्हाड़े कन्ने बी रेही लँओ । कुँन जानदा ऐ जे असें ई किट्ठा रोहने का मौका पही कडू मिलग ? मिलग बी जां नई ?’

इस मसूस जनेह् साद्दे कन्ने डरी-त्राही दी मुचेता ने आचार्य कृपलानी कन्ने इस बारे च बल्ल कित्ती तां ओ बी विंद त्रिभकी पे हे ते आखन लगे हे जे सेही होंदा ऐ जे सरदार होरें वारू हुंदा मन भलेआं भांपी लेआ ऐ खैर करो त्यारी बंबई चलने दी ।

सन् 1942 ई० दे गुरु च जिसलै जपान नै दक्खन एशिया पासै बधना शुरू करी दित्ता हा तां ब्रिटिश सरकार ने लंदन थमां मंत्रीमंडल च मजदूर पार्टी दे सदस्यें सर स्टा-कोडे क्रिप्स गी कांग्रेसी नेतें कन्ने गल्ल-बात करने आस्तै भेजेआ हा । पर तत्कालीन वापसराय नाई लिनलिथगो ते प्रधान मंत्री चच्चिल दी आपसी रस्सा-कशी दी ब'जा कन्ने क्रिप्स मिशन फेल होई गेआ हा म्हात्मा गांधी सरदार पटेल ते जवाहर लाल जनेह् चोटी दे नेता अंग्रेजें दियें चालें कोला अति तंग आई चुके दे हे । इस लेई म्हात्मा होरें पूर्ण सुवंतरता दी प्राप्ति आस्तै इल देश-व्यापी आंदोलन चलाने आस्तै बड़ी गंभीरता कन्ने सोचना शुरू करी दित्ता हा । सरदार पटेल हुंदी भारत छोड़ो आंदोलन दी योजना बी उंदे दमाग च ही । पर ओ समझदे हे अंग्रेज सरकार गी भारत छोड़ने आस्तै ललकारने लेई पैहलें बड़ी त्यारी करने दी लोड़ ऐ । इस लेई उंदी आज्ञा कन्ने बंबई बिच गै 10000 कांग्रेसी स्वयं सेवकें दी इक गुप्त सेना त्यार करनी शुरू करी दित्ती ही । इसदे कन्ने-कन्ने म्हात्मा होर ए बी चांहूदे हे जे ब्रिटिश सरकार भारत बासियें गी आजादी देने लेई मन्नी जा ते इस बारै च पक्का भरोसा दुआड तां दुश्मन दे हमले दा हर भारत बासी मकाबला करियै भारत दी रक्षा करग । पर इस योजना दे बारे च कांग्रेस दे केई कार्यकर्ता नराज होई ने हे पर जुलाई म्हीना औंदे तक केई बैठकां करियै कांग्रेसी नेतें अपने मतभेद दूर करी ले हे । 20 जुलाई 1942 गी गांधी हुंदे बंबई नवास 'मणि भवन' च कांग्रेस दी इक बैठक होई ही । जिसदे च भारत छोड़ो आंदोलन दी रूपरेखा गी अंतिम रूप दित्ता गेआ हा ते कन्ने इस बारे च देश-व्यापी त्यारी दा पूरा-पूरा जायजा बी लैता गेआ हा । इस बारे च चंगियां सूचनां मिलने कन्ने म्हात्मा हुंदे चेहरे पर इक खास किसम दी चमक ते आत्म-विश्वास आई गेआ हा । उनें दिनें गै म्हात्मा होरें अपने 'हरिजन' पत्तर च इक लेख राहें अंग्रेजें गी साफ-साफ आखी दित्ता हा—असें गी बेशक आपराजी दी हालती च छोड़ी देओ पर तुसें गी परमात्मा दा वास्ता ऐ तुस इत्थुंआं दा अपना बोरिया-बिस्तरा गोल करो ते अपने देस चली जाओ ।

पही आई गेआ हा 7 अगस्त 1942 ई० दा दिन जिस दिन अखिल भारतीय कांग्रेस कार्यकरिणी ने बंबई दे गोआलिया टैंक मदान च हंगामी बैठक करियै 9 अगस्त 1942 ई० कोला चलाए जाने आले देश-व्यापी 'भारत छोड़ो' आंदोलन कार्यक्रम गी अंतिम रूप दित्ता हा ते कन्ने अपनी त्यारी ते शक्ति दा पूरा-पूरा जायजा बी लैता हा । उसै दिन उत्थें इक बड़ा भारी पब्लिक जलसा बी होआ हा ते गोआलिया टैंक मदान गी 'अगस्त क्रांति मदान' नां ते जनता गी 'करो जां मरो' दा नाह्रा बी दित्ता हा । पर ए चर्जे आनी बल्ल ऐ जे उस जलसे च सवास नेताजी सुभाष चन्द्र बोस दे सब्बे चोटी दे नेता हाजर हे । इन्ना जरूर होई गेआ हा जे नेता जी हुंदे भ्रा शरत चन्द्र होर उत्थें आई पुज्जे हे जिनें बी सरदार पटेल होरें झट्ट उट्ठियै गलै कन्ने लाया हा । ओ दक्ख दिक्खियै जलसे च

हाजर लखें लोकें ताड़ियें कन्नी इनें दीनीं नेतें दा स्वागत कित्ता हा । लोकें गी विश्वास होई गेआ हा जे बस परिवार ते सरदार हुंदे इखतलाफात दूर होई गे न । इसदा नतीजा भारत छोड़ो आंदोलन दी पूर्ण कामयाबी उप्पर चंगा गै पौग ।

उस पब्लिक जलसे गी सरदार पटेल होरें अपने जबरदस्त जोशीले भाषण कन्ने संबोधन करदे होई भारत छोड़ो आंदोलन गी सुतंतरता प्राप्ति आस्तै भारतवासियें दा खीरले बिहार दा नां देइयै भारत दी सारी जनता गी बगैर कुसै मजहब-मिल्लत दे इक झंडे दे थल्लै आइयै ब्रिटिश साम्राज्यवाद दे कफन गी ठोकी-ठोकी किल्ल लाने आस्तै आवाहन कित्ता हा । उनें ए बी आबेआ हा जे स्थाड़ा युद्ध शांति पूर्ण होग भाएं किन्नियां गै लाठियां झल्लनियां पौडन । अस मरी मिटणे पर अजादी लेइयै गै छोड़गे । सरदार हुंदे भाषण दा जलसे च आए दे ज्हारें-लखें लोकें केई बारी ताड़ियां बजाई बजाइयै-समर्थन कित्ता हा ।

पं० जवाहर लाल नेहरू, मौलाना आजाद ते बाकी नेतें दे भाषणें दी बी लोकें ताड़ियां बजाई-बजाई दाद दिती ही । जिसलै म्हात्मा गांधी होरें अपना भाषण शुरू कित्ता तां बी ताड़ियें दी गड़गड़ाहट होई ही । लोकें गांधी हुंदा भाषण बड़े ध्यान कन्ने सुनेआ हा । उसलै म्हात्मा होर इयां सेही होंदे हे जियां कोई देव मूर्ति मंच उप्पर स्थापित कित्ती दी होऐ । उनें उसलै अपने भाषण च 45 मिट तक वायसराय लिनलिथगो दे परोशर कन्नी अपने नजदीकी रिश्ते दी ब्याख्या कित्ती ही जिसी मुनने आलें पैह्ले ते भला नेई हा भाया, पर असल च म्हात्मा होर संसार गी ए यकीन कराना चांह्दे हे जे भारत वासियें दी दुश्मनी अंग्रे जें कन्ने नेई बल्के अंग्रे जी बहूमता कन्नी ऐ ।

अपने भाषण दे खीर च गांधी होरें अंग्रे जी सम्राजवाद दी बड़े कठोर शब्दें कन्नी बिदा कित्ती ही ते कन्ने पक्की ते चुनौती भरी बाज कन्नी आबेआ हा—अजादी हासल करने आस्तै ए स्थाड़ी खीरी लड़ाई ऐ । मदान त्यार ऐ बँटी बज्जी चुक्की दी ऐ । ते बक्त आई हुके दा ऐ—‘करो जां मरो ।’ ह्थ उच्चे करियै ‘करो जां मरो’ नाहूरा लाया तां इसदा उल्ले बँठे दे अनगिनत लोकें पर जादुई असर होआ हा ।

दूए दिन यनी 9 अगस्त 1942 गी भारत छोड़ो आंदोलन दी लँहूर इक तूफान आला लेखा सारे भारत च फैली गेई ही । इयां सेही होंदा हा जे ‘करो जां मरो’ नाहूरे दा मिसमिरेज्म आला लेखा असर होआ हा । सारा भारत गै आखो जागी पेदा हा । भारत दे कोने-कोने च शांति जलूस निकलन लगी पे हे । ‘लेके रहेंगे आजादी’, ‘सुतंतरता हमारा जन्मसिद्ध अधिकार है’, ‘करो या मरो’ लाठी गोली की सरकारें नहीं चलेगी नहीं चलेगी, इत्यादि नेकां किसमें दे नाहूरे लांदे भारती लोक हर शँहूर-कस्वे ते कुतै-कुतै प्राएं च ज्हारें-बद्धे जलूस कड्डन लगी पे हे ते अंग्रे जी सरकार दी पुलसा दियां लाठियां ते गोलियां हसदे-हसदे खान लगे हे । ते सरकार दी समूहक गिरफ्तारी (Mass arrest) नीति दी बंजा कन्नी ज्हारें दी तदाद च जेलें च गे हे । इस जोश-खरोश दा देसी रियासतें दी जनता उप्पर किश घट्ट असर हा । इसदा कारण हा उंदे मुंठे उप्पर दोहूरी गलामी दे जुंगले दा असर । अंग्रे जी सरकार दी दमन नीति दी बंजा कन्ने ज्हारां लोक जेलें च ठूसी दिते गे हे ।

कई निहत्थे युवक शिवे गोलियों ते लाठियों कन्ने शहीद होई गे हे । 9 अगस्त 1942 ई० की शुक किते दा "भारत छोड़ो" आंदोलन अज्ज अगस्त क्रांति दे नां कर्नै सुतंतरता दे इतिहास च मसूर होई वेदा ऐ ।

म्हातमा गांधी उंदी पत्नी कस्तूरबा गांधी ते उंदे सचिव महादेव देसाई गी पूना दे आगाखां पैलेस च बंद करी दित्ता हा ते जवाहर लाल नेहरू, सरदार पटेल, मौलाना आजाद, आचार्य कृपलानी बगैरा गी ऐहमदाबाद जेल च भेजी दित्ता हा । इंयां गै बाकी शैहूरें च बी कांग्रेसी नेतें ते स्वयं सेवकें गी ते बाकी जलूसें च शामिल होन आलें ज्हारें लोकें गी जेलें च भेजी दित्ता हा । संक्षेप कर्नै आखेआ जाई सकदा ऐ जे सरकार ने उस आंदोलन गी कुचनने आस्तै अपना एड़ी-चोटी दा जोर लाई दित्ता हा । पर आंदोलन दिन प्रति दिन जोर सै बढ्ढा गेआ हा । पर कर्नै ए बी होई गेआ हा जे गांधी ते उंदे पक्के शिष्यें दे वेतें च चनी जाने करी ओ शांति आंदोलन मती हद्द तक क्रांति आंदोलन च बदली गेआ हा । नतीजे दे तौर पर तोड़-फोड़, बिजली ते टेलीफोन दियां तारां कट्टनियां, सरकारी इमारतें बी अग्नी लानियां बगैरा आम गल्ल होई गेई ही । बंबई, पूना, मद्रास, दिल्ली, काठपुर, कलकत्ता, लखनऊ, इलाहाबाद शैहूरें च ते अगस्त क्रांति ने बड़ा गै भँकर रूप बढ्ढा करी लेआ हा । आगाखां पैलेस च बंद म्हातमा होर आंदोलन दे हिंसक रूप बढ्ढा करी लेने दी खबरां सुनियै अति दुखी होंदे हे । पर जनता बी केहू करी सकदी ? ओ बी ते अंग्रेजी सरकार दे जुल्में कोला अति दुखी होई गेदी ही । उर्नें बी ते अपनी खिल कुर्न तरीके कर्नै ते बाहूर कड्ढती गै ही । इसै करी ओ "भारत छोड़ो आंदोलन" दा हूआ नां बँकर अगस्त क्रांति ऐ तां त्रिया नां तूफानी क्रांति बी होई सकदा ऐ । इक अंदाजे दे मताबक बकमुस्त 99000 आदमी जेलें च ठूसी दित्ते गे हे । उस आंदोलन गी होर चंगी चाली कारगर ते सफल बनाने आस्तै किश उत्साही गभरुणं भूमिगत (under ground) पर चलदा-फिरदा (Portable) आकाशवाणी केंदर (Radio Station) बी चालू कित्ता हा । मधु लिमेये (इसलै हिंदुस्तानी आंदोलन कर्नै संबद्ध) होर अपने इक लेख च आखदे न जे उस केंदर दा नां 'वाइस आफ इंडिया' (Voice of India) रक्खेआ गेआ हा । (दिक्खो टाइम्स आफ इंडिया अगस्त 9, 1942 सफा 14 नई दिल्ली) बाद च ए 'कांग्रेस रेडियो' नां कर्नै मसूर होई गेआ हा । उस केंदर दी स्थापना दी इस लेई बी मती लोड़ ही जे इक सरकारी आकाशवाणी केंदर उप्पर सरकार दा नियंत्रण हा ते दूआ समाचार पत्तरे उप्पर बी सँसरशिप लाई देने करी 'भारत छोड़ो' आंदोलन गी सफल बनाने लेई मीडिया चाहिदा हा । नतीजे दे तौर पर इक 20 बरें दे बंबई दे बपारी बिट्ठल दास खेकर ने उवा मेहता (22) चंदर कान्त शवेरी (23) ते बिट्ठल शवेरी (27) गी कर्नै लेइयै इस केंदर गी बंबई च कुतै चालू कित्ता ते 3 सितंबर 1942 गी 41.78 मीटर उप्पर बाकायदा इस थमां 'भारत छोड़ो' आंदोलन ते कांग्रेस पार्टी दियें गतिविधियें ते कार्यक्रम दे बारे च प्रसारण शुरू करी दित्ता हा । पर ए केंदर बिच थोड़े जिन्ने व्यवधान कर्नै सिर्फ 11 नवंबर 1942 तक गै चालू रेही सकेआ हा । मधु लिमेये हुंदा आखना ऐ जे उस केंदर दी स्थापना आस्तै डा० राम मनोहर लोहिया होरें बड़ी मदद कित्ती ही, खास करियै धन किट्ठा करने च ते उर्नें गै

पहल कित्ती ही ।

इंयां सरकार दी दमन-नीति वी अपने क्रूर हत्थें कन्नै भारतियें उप्पर नेकें त'रें दे जुलम करदी गेई ते सुतंतरता दे दिवाने भारती लोक बी उसदा हर म्हाज (front) उप्पर मकाबला करदे होए अपने लक्ष्य पासै अगँ-अगँ गै बढ़दे गे हे । पर उद्धर अंग्रेजी सरकार दे आला अफसरें इस तत्थें गी तां वी मंजूर नेईं हा कित्ता जे भारत बिच ब्रिटिश राज हून किश बरें दा गै परौह्ना ऐ । जिसलै लाईं लिनलिथगो (भारत च वायसराय) नै 1943 ई० च भारत च अपना प्रस्थान कित्ता हा तां उदे दिलै च इक झूठे विश्वास ने घर कित्ते दा हा जे 'उनें सुततरता संग्राम दे सपाहियें दा काफी हद्द तक लक्क थोड़ी दित्ते दा ऐ ते इंयां भारत च ब्रिटिश राज दियां जहां होर पक्कियां करी छोड़ियां न पर असलियत ते ए ही जे उनें अपने हक्क आस्तै बगैर ह्थियारें दे लड़नें आले भारतियें उप्पर जुलम करियै जेह्दियां उदे खूनें दियां नदियां बगाइयां हां उदे कन्नै ते ओ अंग्रेजी राज दियां भारत च जहां गै खोबलियां करी जा करदे न । उस वायसराय दे जुलमें दे बरोध च ते इस दोषारोपण गी झूठा सिद्ध करने आस्तै जे भारत छोड़ो आंदोलन दे तुफानी दौर दे दुरान च जेह्दी केई जोशीले गभरए केइयें शैहूरें च तोड़-फोड़ ते अगँ लाने बगैरा दियां कारवाइयां कित्तियां न उदे लेई गांधी हुंदा नेतृत्व गै जुम्माबार ऐ—जिसलै म्हातमा होरें 21 दिनें दा उपवास कित्ता हा तां सारै तरहल्ली पेई गेई ही । सारै भारत च ज'गा-ज'गा गांधी हुंदी दीर्घायु आस्तै प्रार्थना सभां होन लगियां ते सारी दुनियां च अंग्रेजी सरकार दी बदनामी होई जाने करियै शाही परोआर तक शमिदगी ममूस करन लगा हा ।

इसै दुरान च म्हातमा होरें गी दो होर सदमें झललनै पे हे । पैह्लें उदे निजी सचिव महादेव देसाई दी मौती दा पही अपनी पत्नी कस्तूरबा गांधी हुंदी मौती दा, पर इसदे बाबजूद उनें बड़े संयम कन्नै कम्म लेइयै अपने देशवासियें गी उस संगीनी दौर च अपने नेतृत्व कन्नै सुतंतरता प्राप्ति दे लक्ष्य गी हासल करने आस्तै अपनी लड़ाई जारी रखने दी प्रेरणा गै दिती ही । पर कुदरत दे रंग बी न्यारे गै होंदे न । म्हातमा हुंदी केई अपीलें दे बाबजूद मुस्लम लीग दे संस्थापक नेता मोहम्मद अली जिन्ना होरें मुस्लमानें आस्तै दो कौमें दी थियूरी उप्पर अधारत पाकिस्तान नां कन्नै अपना बक्खरा राज बनाने दी रट जारी गै रक्खी ही । ओ भारत दे मुस्लम अक्सरीयत आले लाकें च पाकिस्तान बनाना चांह्दे हे । म्हातमा गांधी ते हूए नेतें जियां पं० जवाहर लाल नेहरू, मौलाना आजाद, सरदार पटेल बगैरा ने उस अगँ बधेरियां मिन्नतां, अपीलां ते इत्तजां कित्तियां हां पर ओ शख्स अपनी जिद्द कोला टस थमां मस वी नेईं हा होआ । असल च उस्सी वी अंग्रेजी सरकार दे एजेंटें दी शैह् ही । अंग्रेज भारत दे लोकें गी आजादी ते देना चांह्दे हे पर 'लंगड़ी आजादी', ओ चांह्दे हे साड़े पिच्छुआं हिंदू ते मुस्लमान जिस चाल्ली म्हेशां लड़दे गै रौहून ओ कम्म करियै जाओ । ओ ते देशी राजें गी ते सिक्खें भ्राए गी बी बक्कहाने-फटाने दे खड़जंतर चलास करदे हे जिसदे च उनें गी काफी हद्द तक कामयाबी वी मिली ही पर बाद च सरदार पटेल हुंदी सूझ-बूझ कन्नै देशी रियास्तें दा मसला हल्ल करी लैता गेआ हा ।

जिसलै 1944 च सारे कांग्रेसी नेता जेलें चा छोड़ी दित्ते हे तां वी ए आंदोलन

बरतूर चला करदा हा बल्के बाद बिच केई बारी इन्न होर मता उग्र रूप धारण करी लेआ हा ने कुनै-कुनै मजदूरें दियां केई-केई दिन हड़तालां, स्कूल कालजें दे विद्यार्थियें द्वारा अपनियें पढाव्यें दा बहिष्कार करियें जलसै करने, जलूस कड्डने, सरकारी अमारतें गी अन्भी लानियां ते भन्न-तोड़ करनी बगैरा दा सिलसिला चलदा गै रेहा हा । नतीजे दे तौर पर ब्रिटिश सरकार दा काफिया भलेआं गै तंग होई गोआ हा । इस्सै करी इस भारत छोड़ो आंदोलन दे उग्र रूप गी दिक्खियै ब्रिटिश प्रधान मंत्री ने अपनी इक रपोर्ट च मता पैह्लें लिखेआ हा जे—ए आंदोलन ते 1857 ई० दे आंदोलन कोला बी बड़ा भँकर ते अनुबानत ऐ ।

अंत च इयै नतीजा निकलदा ऐ जे ए भारत छोड़ो आंदोलन दियां गै बरकतां हियां जे ठीक पंजें वरें ते छें दिनें बाद 15 अगस्त 1947 ई० गी अंग्रजें अपना बोरिया बिस्तरा सोल करियै भारत गी आजाद करना गै पेआ हा पर जंदे-जंदे ओ अपने हथकंडे च कामयाब होई ने हे जे इस मुखें दे पूरबी पाकिस्तान (बंगाल, हून बंगला देश) ते पश्चमी पाकिस्तान ते भारत दे रूप च गै टुकड़े करियै गै गे हे ते इयां इस कहावत गी चरितार्थ करी ने हे जे 'बक्करी दुद्ध ते दिदी ऐ पर मींङणां पाइयै' । उंदी उस चाल दा नतीजा पाकिस्तान बी भुगता करदा ऐ, बंगला देस बी ते भारत बी । देसे दे बटोआरे कन्ने लक्खां लोक उग्रवडे ते ग्हारां मरे ते 1947 ई० कोला अज्ज तोड़ी दौनी मुखें दे दरम्यान नै जुद्ध बी होई चुके न पर खलासी फी बी नेई' । हून बी सीमा उप्पर तनाव बढस्तूर बने दा ऐ । कश्मीर च उग्रवाद दा मसला ते पंजाब च उग्रवाद दा मसला बी इनें दौनी मुखें दी कशीदगी ते दुश्मनी दा गै भँकर नतीजा ऐ ।

भारत बिचा अंग्रेजी सरकार दा तख्ता उलटने च उस बेले दे आखंड भारत दे हर बरर ने अपना-अपना पूरा-पूरा जोगदान दिता हा । इसी अंग्रेजें दे चुंगल कोला आजाद कराने आस्तै बलिदान हिट्टुएं बी दित्ते हे मुसलमाने बी सिक्खें बी ते दलितें बी । इस आस्तै आबादी दा ए बूटा हर धर्म ते जात दे माहूनू दे लहू कन्नै सीचेआ गेदा ऐ । इस सचाई बी भुस्लना नेई' चाहिदा ।

बिसलै देसे दा बटोआरा होने दा खीरला फैसला गै होई गोआ हा तां बी म्हातमा होरें जेहेआ हा देसे दा बटोआरा मेरी लाशा पर गै होग सै सच्च गै होआ । अजादी मिलने दे परीत लगभग डेड साले दे बाद ओ नाथूराम गोडसे दी गोली दा नशाना बनियै राम राम करदे मुर्त सघारी ने हे । उप्परले ब्यांरे कोला स्पष्ट होई जंदा ऐ जे ए 'भारत छोड़ो' आंदोलन दी नै बरकत ही जेदे फलसरूप साड़ा मुल्क अजाद होआ हा । ०००